

de *Villarreal* institutus, Sermones illis ad Crates habet per quadragessimam et Adventum, et in magnis solemnitatibus; ac in Ecclesia primis Mensium Dominicis, aliisque diebus festis concionatur.

*Quartus*: R. P. Fr. Thomas Bonaventura Viñuelas: post studiorum suorum Curriculum in Patriarchali Collegio Orcelitano expletum, totus prædicationi Verbi Dei, et confessionibus audiendis intentus, semper in ipso Conventu manens, hoc munus, et quidem in magnis solemnitatibus diversis in Locis, Villisque exercuit. Per triennium tempore quadragessimæ in nostra Parochiali Ecclesia de *Lombay* dominicis diebus, sextisque feriis eonciones ad populum habuit. Plusquam septuaginta Sermones in septemdialibus Dolorum B. V. Mariæ, in Novemdialibus animarum purgantium, et S. Vincentii Ferrerii concionatus est. Plusquam ducentos quadraginta cum panegiricos, tum morales Sermones dixit. Devotionem SS. Rosarii ubique promovit, et auxit, præcipue in Populis de *Turis*, et de *Almusafes*, ubi postquam in magnis solemnitatibus prædicavit mane, vespere Populum congregavit, et Rosarium decantando per vicos et plateas postmodum in Ecclesia de eadem devotione Sermonem habuit. Hoc ipsum biennio fecit in Villa et Ecclesia de *Lombay* omnibus Dominicis, festisque principalibus.

*Quintus*: R. P. Fr. Petrus Mompó: Quod prædicavit quinque quadragessimas; scilicet, tres in Villa de *Olleria* et Castellionis S. Philipi, et de *Ajora*: tres habens conciones singulis hebdomadibus, et duas in Universitate de *Agullente* Dominica et sexta feria dumtaxat. Prædicavit Septenaria Dolorum Bmæ. Virginis sex; et Novemdalia decem, hoc modo; duo Bmæ. Virg. Lauretanæ, et similiter duo S. Josephi, Sanctæ Annæ, S. Vincentii Ferrerii, et Animarum. Devotionem SS. Rosarii promovit decantando ipsum per vicos de la Olleria, habens in fine Sermonem ad Populum, et quam-